
CIRCA ANNUM DOMINI MCX

GILBERTUS

EPISCOPUS IN HIBERNIA LUNICENSIS

NOTITIA HISTORICA

(FABRIC. Bibliotheca mediæ et infimæ Latinit., III, 57)

Gibertus, episcopus in Hibernia Lunicensis [al. Lunnicensis] hodie *Limericensis* circa annum 1110, superstes adhuc anno 1159, scripsit libellum *De statu Ecclesiæ*, editum ab Usserio in *Epistolis Hibernicis* p. 78, et Gilberto Crispino peiperam tributum a Pitseo p. 196. Præmisit Usserius ejusdem Gilberti epistolam ad episcopos et presbyteros Hiberniæ p. 77, subjuncta 88 altera brevi ad Anselmum Cantuariensem.

GILBERTI LUNICENSIS

AD EPISCOPOS HIBERNIÆ DE USU ECCLESIASTICO

(USSERIUS, *Epist. Hibern.*, p. 77.)

Episcopis [et] presbyteris totius Hiberniæ, infimus A præsulum GILLE Lunicensis in Christo salutem.

Rogatu, nec non et præcepto multorum ex vobis, charissimi, canonicalem consuetudinem in discendis horis et peragendo totius ecclesiasticis ordinis officio scribere conatus sum, non præsumptivo, sed vestræ cupiens parere pussimæ jussioni, ut diversi et schismatici illi ordines, quibus Hibernia pene tota delusa est, uni catholico et Romano cedant Officio. Quid enim magis indecens aut schismaticum dici poterit, quam doctissimum unius ordinis in alterius Ecclesie idiotam et laicum fieri? Quicumque ergo catholicæ membrum se profitetur Ecclesiæ, sicut una fide, spe, charitate, in corpore jungitur, ita Deum ore et ordine cum cæteris membris laudare jubetur. Unde Apostolus: *Ut unanimes uno ore honorificetis Deum* (Rom. xv, 6). Sicut igitur linguarum per superbiam

facta dispersio, ad unitatem in apostolica humilitate ducta est, sic ordinum per negligentiam et præsumptionem exorta confusio, ad consecratam Romanæ Ecclesiæ regulam per vestrum studium et humilitatem ducenda est. Quantum ergo debeat merum unitas servari a fidelibus, quamvis ex multis locis sacræ Scripturæ manifestum sit, præsens tamen Ecclesiæ depicta imago oculis subjecta patenter ostendit. Namque omnia Ecclesiæ membra uni episcopo videlicet Christo, ejusque vicario beato Petre apostolo, atque in ejus sede præsidenti apostolico, subijci et ab eis manifestat gubernari. Hæc tandem præmia pro tantulo opere a vobis omnibus exoptalo; ut, sicut hic Deum uno corde et ore laudare debemus, sic ei, vestris precibus adjutus, una vobiscum psallere in cœlestibus [valere merear. Amen (1)].

(1) Subjiciebatur in mss. quibus hic usi sumus exemplaribus, *Ecclesiæ depicta imago* (cujus in superiori prologo facta est mentio, et in proximo libello sequitur explicatio), hac circumdata περιγραφή. *A circa figuram mundi habuit; fuit enim tricamerata. In superiori parte erant aves, tanquam angeli in cœlo. In*

medio erant homines (scilicet Noe, et familia ejus) tanquam in hoc mundo. In imo animalia et reptilia, tanquam animæ in inferno. Verum, ob chalcographorum typorum defectum, schema illud coacti sumus hic omittere.